

西南稀見叢書文獻

第十八卷

中國西南文獻叢書



0157

R41.3/98:18

0981814

中國西南文獻叢書·第二輯

西南稀見叢書文獻

第十八卷



西南彝叢書文牘

本輯主編：戴文年

陳訓明
陳琳

第十八卷

中國西南文牘叢書·第二輯

【民國】任可澄等 輯

黔南叢書

十八

人參 鹿茸
燕窩 魚翅

本卷目錄

黔南叢書第六集目錄·····

一

孫山甫督學文集〔清〕孫應鰲撰·····

三

黔南叢書

第六集

孫山甫督學文集

四卷
附二卷

清清平孫應鼇撰

江辰六文集

九卷

清江閻辰六氏著

定齋先生猶存集

八卷

清安平陳法撰

貴陽文通書局代印

【清】孫應鰲 撰

孫山甫督學文集

默南林取書第六集

智學文

據遵義黎氏原刻本複印

孫山甫督學文集序

道原至一而散見于至不一是故以至不一求至一固
不可得以至一而拒至不一尤不可得何則至不一者
固至一者之無爲爲之而不能不爲者也不觀日與月
乎貞明之體至一而散見于下土雖寸壤尺波容光隙
地莫非明之所被夸父逐之於隅谷犀牛矚之於兩角
固不足以得其體然謂下土與隅谷兩角所見非明也
乃欲截而拒之以專求于無所被無所見之間則亦將
二而違之矣是故苟不得一則雖塊立尸居杜機忘言

固非一也苟誠得一則天地之持壽日月之臨照山川
之時流庶物之馮生吾得絃而論之無非一也上之二
帝三王下之九流六家內之六經諸子外之五千文四
萬八千言巨之家國朝廷郊廟庠序貢舉饗餉軍府之
制細之禮器樂舞幼儀內則藥工場師稗官小說之故
吾得絃而論之無弗一也古今之學術上下之政治吾
得絃而論之無弗一也然而一之一也易不一之一也
難予不能知一而幸友于淮海孫子方予與孫子足未
相數言未相洽駁駁乎合矣已而足相數也言相洽也

不知孫子之爲予予之爲孫子也孫子生神穎長學于道林子視其氣杜機忘言弗諫一光至讀其詩文凡數千萬言達于天地庶物究于帝王辯于諸家放于上下內外巨細尤嚴于學術政治而皆出其幾微之所絃其韻不假揣度靡不應律其辭不煩比擬靡不合軌予知孫子之無爲爲之而不能不爲雖千萬言無言也進乎一矣孫子督學關西門人嘗刻其詩曰督學集今台山邵子刻藏保甯者皆文類復仍其名豈不以孫子寤道得一自居關中寢盛也夫孫子名滿天下而莫逆莫予

若序而傳之以明孫子之學非予則誰宜嘉靖丙寅孟
冬十月之吉友弟廬陵胡直書

刻孫淮海先生督學文集序

吾黔僻在西南隅自後漢時道真尹公從許慎應奉受經書圖緯還教鄉里以北學開南中之陋仕至荊州刺史歷有名德惜無傳書厥後土宇乖分黔服陷於蠻夷鬱千餘年不能振拔遂無人焉能繼起以昌明聖學興起斯文爲己任者至明乃得文恭孫淮海先生先生當明中世傳陽明王氏之學於貴谿徐樾波石卽能洞徹良知之弊嗣又討論於蔣道林其學以求仁爲宗以誠意慎獨爲要以盡人合天爲求仁之終始其於成已成

物位育參贊天人一體之原心契微眇溫故知新浩然自得晚歲築學孔精舍以居尤致精於易理生平難進易退不以依違徇人亦不以激烈取異匡君德鐫巨璫論革除清國學兢兢焉惟以維持風教作育人才爲急務物來順應沛乎有餘海內羣以名臣大儒歸之可謂命世賢豪不待文王而興者也惜其身沒之後傳業無人明史未爲立傳雖有郭青螺表章於前田山薑揚摧於後而遺書湮晦行蹟無存三百年來通人學士幾至不能舉其名氏況於黔之後生小子乎先生之書見於

明史志者淮海易譚四卷律呂分解發明四卷論學會
編八卷莊義要刪十卷學孔精舍彙稿十六卷 本朝
四庫著錄已少論學莊義二種而其散見於黔書理學
傳及溫純恭毅集毛在遺稿序黃虞稷千頃堂書目者
復有春秋節要四書近語左粹題評教秦語錄雍諭學
孔精舍續稿道林先生粹言教秦總錄歸來漫興等編
道光咸豐中獨山莫友芝子偁搜求邦故竭數十年之
力僅得易譚四卷四書近語六卷左粹題評十二卷教
秦緒言一卷幽心瑤草一卷學孔精舍詩稿六卷因爲